



Aningaasaqarnermut Ataatsimiititaliap suliaq nr. 01.31.06/06-00168 pillugu tallimanggornermi ulloq 5. maj 2006-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 1. maj 2006-imi ataatsimiinneranni imm. 2)

Kontot arlallit akornanni missingersuutitut sunniuteqanngitsumik nuussinissaq

Naalakkersuisut **inassutigaaat,**

Kontomi pingaarnermi 24.10.10-mi, Nuna tamakkerlugu akileraarummut tunngasumi, aningaasaliissutit 1,3 mio. kr.-inik ikilineqassasut,

Kontomi pingaarnermi 24.11.13-imi, Umiarsualivimmiinnermut akileraarummut tunngasumi, aningaasaliissutit 4,3 mio. kr.-inik amerlineqassasut, aamma

Kontomi pingaarnermi 24.13.50-imi, Akileraarutitigut akitsuutitigullu isertitaqaataanerusussanut sillimmatitut tunngasumi, aningaasaliissutit 3,0 mio. kr.-inik ikilineqassasut.

Aningaasaqarnermut Ataatsimiititaliap oqaaseqaatai

Kontomut pingaarnermut 24.10.10-mut, Nuna tamakkerlugu akileraarummut tunngasumut, missingersuutitut ilanngussami ima allassimasoq Aningaasaqarnermut Ataatsimiititaliamit oqaatigineqassaaq:

”Kontumut pingaarnermut matumunnga aningaasaliissutinik appaanissaq kontumut pingaarnermut 24.13.50-imut, Akileraarutitigut akitsuutitigullu isertitaqaataanerusussanut sillimmatit, aningaasaliissutit taakku amerlaqataannik qaffanneqarnissaannut attuumassuteqartinneqassaaq.”

Kontomut 24.13.50-imut, Akileraarutitigut akitsuutitigullu isertitaqaataanerusussanut sillimmatitut tunngasumut, innersuussineq kukkunerusoq Aningaasaqarnermut Ataatsimiititaliamit oqaatigineqassaaq. Innersuussineq eqqortoq tassaasussaavoq konto pingaarneq 24.11.13, Umiarsualivimmiinnermi akileraarummut tunngasoq.

Aningaasaqarnermut Ataatsimiititaliap aalajangiinera

Kontomut pingaarnermut 24.10.10-mut, Nuna tamakkerlugu akileraarummut tunngasumut, missingersuutitut ilanngussami kukkunerup, missingersuutitut ilanngusaaq 2006-imi ilassutitut aningaasaliissutinut inatsimmut ilanngunneqannginnerani aaqpinneqarnissaa tunnjavissaatillugu Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Ellen Christoffersen

Aningaasaqarnermut Ataatsimiititaliap siulittaasua